

MINERALE- EN PETROLEUMHULPBRONNE-TANTIÈME

Wat is nuut?

- 1 Oktober 2018 - Minerale- en Petroleumhulpbronne-tantièmeopgawe (MPR3)**
 SARS het 'n nuwe vorm in werking gestel vir [minerale- en petroleumhulpbronne-opgawe en betalingsadvies](#). Die vorm is beskikbaar vir aflaai vanaf 1 Oktober 2018 en die bestaande MPRR-belastingpligtiges sal verwag word om die nuwe MPRR-opgawe en betalingsdata-vorm te voltooi:
 - Die ou Minerale- en Petroleumhulpbronne-betalingsadvies (MPR2) en Minerale- en Petroleumhulpbronne-opgawe (MPR3) is in een [Minerale- en Petroleumhulpbronne-opgawe \(MPR3\)](#) geïnkorporeer. Om te verklaar, moet die nuwe MPR3-opgawe voltooi word.
 - Die MPR3-opgawe is opgedateer met die mineraalsoort, eenheid van meting en volume oorgedra (hoeveelheid), van mineraal verkoop, wat voorheen nie in die MPR3 ingesluit was nie.
 - Die MPR3-vorm is gestandaardiseer om vir al die eienskappe voorsiening te maak, naamlik indienings-, betalings- en opgaweverpligtinge hieronder:

MPR3-vorm	Indiening	Betaling
1ste Skatting	Eerste skatting-opgawe moet ingedien word voor die einde van die ses (6) maande, na die begin van die jaar van aanslag.	Eerste betaling - 50% van geskatte totale aanspreeklikheid vir die jaar van aanslag - ses (6) maande na die begin van die finansiële jaar.
2de Skatting	Tweede skatting-opgawe moet ingedien word voor die einde van die jaar van aanslag (daarom voor die einde van 12 maande na die begin van die jaar van aanslag - van toepassing indien geen veranderinge aan die finansiële jaareinde gemaak is nie).	Tweede betaling - balans van geskatte totale aanspreeklikheid vir die jaar van aanslag - teen finansiële jaareinde (dus voor die einde van 12 maande na die begin van die jaar van aanslag - van toepassing indien geen verandering aan die finansiële jaareinde gemaak is nie).
3de Opsionele/Aanvullende	'n Opsionele derde aanvullende opgawe, na verwys as die "Return of Excess" (Oorskotopgawe), kan gebruik word om bykomende aanspreeklikheid vir die jaar van aanslag te verklaar, wat nie voor voorsiening gemaak was in die eerste en tweede geskatte opgawes nie (dus, indien nodig, voor die einde van 18 maande na die begin van die jaar van aanslag - van toepassing	Opsionele aanvulling derde betaling - Bedrae wat nie voor voorsiening gemaak was in die eerste en tweede skattings vir die jaar van aanslag nie (dus, indien nodig, voor die einde van 18 maande na die begin van die jaar van aanslag - van toepassing indien geen verandering aan die finansiële jaareinde gemaak is nie).

	indien geen verandering aan die finansiële jaareinde gemaak is nie).	
Finale verrekening	'n Jaarlikse opgawe moet ingedien word 12 maande na die einde van die jaar van aanslag vir finale rekonsiliasie doeleindes.	Finale aanspreeklikheidsverrekening - 12 maande na jaareinde, waar finale opgawe-aanspreeklikheid die betalings oorskry wat vir 1ste en 2de skattings en opsionele 3de betaling gemaak is.

- Betalings kan gemaak word deur die eFiling "Additional Payment" funksie (ook na verwys as "Ad Hoc" betaling) of "SARS Other" vir EFO-betaling, pas die 19-syferreël toe (TAXREFNUMBX00000155) en elke betaling moet vergesel wees deur die voltooide Minerale- en Petroleumhulpbronnentantiëmeopgawe (MPR3).
- Betalings moet verkieslik deur [eFiling](#) gemaak word, na die SARS-rekening, en elke betaling moet deur 'n voltooide MPR3-opgawe vergesel wees.
- Betalings kan ook deur die bankkanaal gemaak word (nie die verkiesde kanaal nie), deur EFO en hierdie metode vereis die toepassing van die 19-syferreël (TAXREFNUMBX00000155).

Top wenk: Belastingpligtiges word aangemoedig om so spoedig as moontlik na [eFiling](#) as betalingskanaal oor te skakel. Die bankkanale sal op 31 Januarie 2019 afgeskaf word vir MPRR-betalings, wat beteken dat alle MPRR-betalings slegs deur die eFiling-kanaal gemaak sal kan word.

Jy kan hieronder toegang tot die opgedateerde MPRR eksterne gids en MPR3-vorm verkry:

- [Mineral and Petroleum Resources Royalties External Guide](#)
- [MPR3 Mineral and Petroleum Resources Royalty Return External Form](#)

Wat is dit?

In die verlede was minerale- en petroleumhulpbronne in privaat besit en dus die betaling vir ontginning van hierdie hulpbronne slegs onder bepaalde omstandighede aan die staat betaalbaar, bv. waar ontginning op staatsgrond plaasgevind het.

Om Suid-Afrika in lyn te bring met heersende internasionale norms, het die Departement van Minerale en Energie die [Wet op Ontwikkeling van Minerale- en Petroleumhulpbronne, 2002, \(MPRDA\)](#) bekendgemaak, ingevolge waarvan hierdie hulpbronne as die gemene nalatenskap van al die mense van Suid-Afrika erken word, met die staat as bewaarder daarvan tot voordeel van alle Suid-Afrikanners.

Die minister van finansies moet, ingevolge artikel 3(4) van die MPRDA, die staatsheffing bepaal en ophef by wyse van 'n parlamentswet. Die minister het dit gedoen deur die bekendstelling van die [Wet op Minerale- en Petroleumhulpbronne-tantiëme, 2008](#), asook die [Wet op Minerale- en Petroleumhulpbronne-tantiëme \(Administrasie\), 2008](#), wat beide deur SARS geadministreer word.

Die tantiëme tree in werking met die oordrag van mineraalregte, uit die Republiek afkomstig. Soos in die geval van alle ander belastinge, regte, heffings, fooie of geld deur SARS ingevorder, word die ingevorderde tantiëme aan die Nasionale Inkomstefonds betaal.

Vir wie is dit?

Die volgende persone moet vir die betaling van hierdie tantième by SARS registreer:

- Enige persoon wat 'n prospekterreg, retensiepermit, verkenningsreg, mynreg, mynpermit of produksiereg of 'n huurkontrak of onderverhuringskontrak ten opsigte van sodanige reg het; of
- Enige persoon wat 'n mineraalhulpbron, wat binne die Republiek ontgin is, wen of herwin.

Watter stappe moet ek volg?

'n Aansoekvorm ([MPR1](#)) moet voltooi word. Dit is hieronder beskikbaar en kan ook by enige SARS-tak verkry word. Sodra voltooi, moet dit geskandeer en per e-pos gestuur word aan mineralroyalty@sars.gov.za. Die voltooide [MPR3-vorm](#) moet ook per e-pos gestuur word aan mineralroyalty@sars.gov.za.

Wat is die koers vir die tantième?

Die koers vir die tantième word bepaal volgens 'n formule soos uiteengesit in subafdelings (1) en (2) van artikel 4 van die Wet op Minerale- en Petroleumhulpbronne-tantième, 2008 en tref onderskeid tussen die veredelde en onveredelde kondisies van die mineraalbronne en is tans as volg:

- vir veredelde mineraalbronne: die minimum van 0.05% tot 'n maksimum van 5%
- vir onveredelde mineraalbronne: die minimum van 0.5% tot 'n maksimum van 7%.

Wanneer en hoe moet die tantième betaal word?

Betalings kan deur die [eFiling](#)-kanaal gemaak word deur die gebruik van die “Additional Payment” opsie. Neem kennis dat bankkanale vir MPRR-betalings op 31 Januarie 2019 afgeskaf sal word, wat beteken dat alle MPRR-betalings slegs deur die eFiling-kanaal gemaak sal kan word. Maak asseblief seker dat die eFiling-kanaal vir elke MPRR-belastingpligtige opgestel is en begin om alle betalings deur hierdie kanaal te maak om seker te maak dat daar geen moeilikhede voorkom wanneer bankkanale afgeskaf word nie.

Neem kennis dat elke betaling deur 'n [voltooide MPR3 \(nuwe\) vorm](#) vergesel moet wees, soos vereis deur wetgewing, vir die twee voorlopige betalings, die derde oorskotbetaling en die finale opgawe (indien verdere betaling nodig is).